



BELIEVERS EASTERN CHURCH

World Head quarters, St Thomas Community Thiruvalla - 689 103, Kerala, India

लावखारनि लाइजाम

April/May2025

आंनि अनजाथाव लावखारफोर आरो गोथार गिर्जानि गासै फोथायारिफोरनिसिम

जोनि बासायगिरि इसोर आरो जिसु ख्रीष्टनि दया, अन्नाय आरो गोजोननाया नौसोर बयजौबो अराय थाबाय थार्थो ✠आमेन।

आं दिनै नोंथांमोननि गोसोखौ जोनि गिर्जानि जारिमिनाव बयनिखुइबो गोनांथारसिन मोनसे बुब्लिनि फारसे बोनो थाखाय हास्थायदों: आरो बिनो जाबाय जोनि मेट्र'पलिटान बिफा, एथानासियस योहान सेथि रुंसारि जालांनायानि गिबिखेब गोसोखांथि सान फालिनाय, आरो बिथां बोर गोनां गोसोखांथिया 8 मे, 2025 मायथाइयाव अरायथा जिरायहैनाया बोसोरसे जासिगोन।

मोनसे गिर्जा महरै जोनि थाखाय बिथांनि बे बुहुमनिफ्राय आनन्नायलाडनाया थारैनो गनायनो गोब्राब, नाथाय बिनि गेजेरजौबो जौहा बिथांनि गोसोखांथिखौ फोथानान लाखिनो थाखाय खाबु मोनदों। आं नौसोर बयखौबो बिथांनि जिउखौ उनसं खालामनो थाखाय खावलायो - बिथाडा होलांनाय फोरोंथाय, बिथाडा जागायजेन्नाय खामानिफोरखौ मावलांबाय थानो, आरो बेखौ उननि जोलैफोरनो होलांना नाजानांगोन। बे बिबानआ जोनि थाखाय मोनसे बजा नडा नाथाय जौ साफ्रोमनिबो थाखाय मोनसे जोबोद गोजोन्नाय आरो मान गोनां बिबान - जायखौ जौ गोसो गुदुं आरो रादाइजौं बोजबना लानांगौ।

गोथार गिर्जाया जोनि बोर गोनां गोसोखांथि बिफा, मेट्र'पलिटान एथानासियस य'हनि गिबि गोसोखांथि फारिलाइनि थाखाय थाखथियारि खालामगासिनो, । आरो बे गोथार फालिथायाव जौं बयबो गावनि गोसो आरो गोरबोजौं नांथाबनानै बाहागो लानांगोन। मोनसे गिर्जा महरै, आरज खालामदो आरो जोनि बोर गोनां गोसोखांथि आध्यात्मिक बिफानि जिउ आरो उनमोनथाइनि थाखाय बोलोगोरसिन इसोरखौ साबायखर आरो हामबाइ होदो। अन्नानै बे गोसोखां फालिथाय सानखौ नोंथांमोननि मोनब्रै इनजुरनि सिडावसिमल सिमा दाखालाम। बिनि सोलायै, आगानसे आवगाय लानानै बिथांनि गोसोखांथिखौ जाहाते खामानियाव सोलाय होनो हायो, जैरै अननाय आरो दयाजौं मुलुगखौ सिबिनो जोनि बोर गोनां गोसोखांथि मेट्र'पलिटान बिफाया जौंखौ दिन्थिफुंदोंमोन आरो फोरोंदोंमोन।

नोंथांमोननि धोरोमारि बिफा महरै, आं नोंथांमोननि गोसोखौ जोनि पजफिनजाहैनाय मेट्र'पलिटान बिफानि जिउ खुंनायनि गाहाय बिथिफोरनि फारसे बोनो लुबैयो जाहाथे जौं बिफोरजौं थांनो थानो हायो - बे थि सानावल' नडा नाथाय सानफ्रोमबो।

1. अननाय आरो दान होनायनि खामानिफोर: जोनि पजफिनजाहैनाय बिफानि गोसोआ गोरिब, बेमारिफोर आरो नेवसिजानायफोरनि थाखाय बायदोंमोन, आरो बिथाडा बिसोरखौ ख्रीष्ट बायदि आन्नानै गाउखौनो बावसोमदोंमोन। बिथांनि गोसोखांथियाव, आं नोंथांमोनखौ आंखाल गोनां सुबुंफोरनिसिम सौहैनो खावलायो जानो हागौ बे दानफोर होनायनि गेजेरजो एबा लोगोसे नोंथांमोननि समाजनि सिडाव लोमजानाय सुबुंफोर, एबा साधारन अन्नायनि हाबाफारिफोर आखायाव लानायनि गेजेरजौं।

2. सानफ्रोमबोनि आरज गाबनाय आरो रिफिनाय: जौनि पजफिनहैजानाय बिफाया जोंखौ मोनसे गिर्जा महरै थाद'नाय गैयाजासे आरज गाबनो आरो जिसुनि आर'जखौ जौनि सानफ्रोमबोनि जिउनि मोनसे आयदा बानायनो थाखाय थुलुंगा होदोंमोन। फै जों गावारि सिबिनाय, नख'रारि आर'ज गाबनाय, इसोरारि धोरोम सिबिथायाव बाहागो लानाय आरो फोथायजाथावै जिसुनि आर'जखौ खालामनायनि गेजेरजों आर'जनि गोथौसिन जिउआव बावसोमनि।

3. गिर्जा आरो समाजखौ सिबिनाय: जौनि पजफिनजाहैनाय बिफाया गोथार गिर्जाखौ गावनि गोसोजों मोजां मोनदोंमोन आरो बेखौ गायसननो थाखाय मेंनो रोडै बायदि खामानि मावदोंमोन। बिथाडा अरायसम मोनसे बिबुंथि होयोमोन जे, "गिर्जानि थाखाय सान" होन्नानै। फै जों जौनि गिर्जानि जौगानायनि थाखाय जौनि सम आरो रोंग'थिफोरखौ गथायनि आरो बेनि गेजेरजों जौनि सुबुं समाजनि गाहामनि थाखाय बिथानि खामानिफोरखौ सोलिहोनि। जौनि थाखाय फिसा आरो गिदिर मोन्नैबो लामाजों सिबिथाय होनो थाखाय अनजिमा गोयै खाबुफोर दं - जेरै पेरिशनि हाबाफारिफोराव हेफाजाब होनाय, गिर्जानि बिफानफोराव हेफाजाब होनाय आरो मिसनारि खामानिफोराव हेफाजाब होनाय।

4. इयुन जोलैनि थाखाय फोथायनायखौ रैखा खालामनाय: जौनि पजफिनजाहैनाय बिफाया गथ'फोरखौ ईनायनो मोजां मोनोमोन आरो जेब्लाबो बिसोरखौ गोनांथि होयोमोन। फै जों सानदे स्कुल, बिलिवर्स युथ, महिला सहभागिता, केटेकिचज्म, आर'ज आरो मोनसे बिदिस्थि गोनां जिउ खुंनायनि गेजेरजों उननि जोलैनो होलांनो थाखाय रादाय लानि। बेखौ थि खालामनि दि जाय फोथायनाया जौनि पजफिनहैजानाय बिफाखौ फोथांना लाखिदोंमोन आरो जौनि बे गिर्जाखौ महर होदोंमोन बेयो जाहाते जौनि उननि जोलैखौ फोथांना लाखिगोन आरो महर होलांबाय थागोन।


आंनि अनजाग्राफोर, आं नोंथांमोनखौ खालि खोनासंग्राल' नडा नाथाय बयनिखुइबो साबसिन हामसिन मावग्राफोर जानो खावलायो। फै जों जौनि गिर्जानि बिफा मेट्र'पलिटान एथानासियस य'हान सेथिनि बोर गोनां गोसोखांथिनि जिउ खुंनायखौ गोसो गोर्बोजों बोजबना लादिनि।

आरो गोसोआव लाखि, दि जोंखौ जिसुनि आखाइ, खुगा आरो आथिं जानो थाखाय सायखनाय जादों - आरो लोगोसे गुबुनखौ सिबिनो आरो ख्रीष्टनि सावगारिखौ दिस्थिनो थाखाय, जाय जोंजोंनो सिल खालामजानान दं। फै जों ख्रीष्ट बायदि थांनानै थानो हास्थाय लांबाय थानि।

बिथानि गोसोखांथिया अराय थाबाय थाथों !

गोथार साथामसे; बिफा, बिसा आरो गोथार जिउवा जोंखौ बनि गोबांथार अन्नाय आरो हामलानायजों दैदेनलांथों; आरो गासैबो गोथारफोरनि आरो धन्य बिमा थिअ'ट'क'सनि बिसनाया इसोरनि राजमासिनि सिगांआव जौनि थाखाय रैखाथि जाथों दा आरो अराइनिबो, ✠आमेन।

बिफायारि अननाय आरो आरज गाबनायजों,



मरान मोर सेमुएल थिअ'फिलास मेट्र'पलिटान

खालार : 15 एप्रिल 2025

जायगा : बुहुमनां गिर्जा गाहाय मावख।

P.S: अन्नानै थि खालाम दि बेखौ गासैबो ओनसोलारि रावफोराव राव दानस्लायनाय जायो आरो फोथायग्राफोरनि थुलुंगानि थाखाय गासैबो गिर्जाफोराव फरायो।